

sam quotidie, cantari potest Missa solemniter votiva de festo occurrente tantum, S. R. C. 16 August. 1709, in *Bergomen.*: Diebus, in quibus juxta rubricas Miss. Vide n. 264 et 805.

869. Quando tertia oratio in Missa est ad libitum, et ex jussu Summi Pontificis, vel episcopi, debet apponi aliqua specialis oratio pro publica indigentia, videlicet contra Threas, seu ad petendam serenitatem, aut pluviam, etc., hæc oratio debet recitari tanquam ex præcepto quarto loco, non omitta tertio loco illa, quæ est ad libitum, seu pro devotione sacerdotis eligenda, S. R. C. 17 Aug. 1709, in *Bergomen.*: Ad libitum: dummodo sit ex Missali de prompta. Vide n. 1108.

870. In die consecrationis vel tituli ecclesiæ parochialis, non cathedralis, et per Octavas non potest celebrari Missa Dedicacionis seu titularis sub eodem ritu duplici, ac in parochiali etiam in oratoriis eidem ecclesiæ parochiali subjectis, in quibus multi sacerdotes celebrant, S. R. C. 17 Aug. 1709, in *Bergomen.*

871. De titulo et consecratione parochialis ecclesiæ, quæ non est cathedralis, non debet fieri Officium in die, neque per Octavam a sacerdotibus, qui non sunt de clero parochiali, licet sub eadem parochia degant, S. R. C. 17 Aug. 1709, in *Bergomen.* Vide n. 238.

872. Sancti martyres in concurrentia Officii duplicis cum sancto confessore, non debent habere integras Vesperas propter majorem dignitatem, et nobilitatem, quam habet martyr præ confessore: neque hæc major dignitas, et nobilitas tribuenda est confessori concurrenti cum virgine; sic in concurrentiis Officiorum æqualis ritus, quæ possunt accidere, sanctus confessor non habet integras Vesperas: aliter enim fit in prædictis casibus, quam fiat in concurrentia festorum Domini, B. M. V., angelorum et apostolorum: unde in antedictis primis concurrentiis standum est præscriptioni rubricæ Breviarii Romani de *Concurrentia Officiorum*, n. 2, quæ dicit: *Regulariter fit a capitulo de sequenti*; S. R. C. 14 Dec. 1709, in *una ord. Capuc.*: Non debent habere integras Vesperas: nisi causa solemnitas apparatus et concursus populi; *Rubr. Brev. Rom.* xi, n. 2. Vide n. 1180. Standum esse præscriptioni, etc. Vide n. 521.

873. In festo SS. Cornelii et Cypriani die 16 Sept. pro commemoratione SS. Euphemie et sociarum dicatur in primis Vesperis antiphona *Gaudet in cælis*, etc. et in Laudibus antiphona *Istorum*, etc., Prædictæ tamen antiphonæ dicendæ non sunt, quando Officium SS. Cornelii et Cypriani transfertur, ex quo occurrat in Dominica; tunc enim in primis Vesperis Dominica dicenda erit antiphona pro dicta commemoratione *Istorum*, etc., et in Laudibus antiphona *Vestri capilli*, etc., S. R. C. 14 Decemb. 1709, in *Ferrariens.*

874. Cum nonnulla Officia propter perpetuam occurrentiam majoris dignitatis, seu solemnitatis, seu ritus perpetuam habeant translationem, et juxta rubricas de translatione festorum n. 6, in primam diem non impeditam semper transferenda sint, quæ sit prima dies censenda sit propria illius translatis sedes perpetuo, juxta Gavantum sect. 3, cap. 10, n. 15, ita ut debeat de eo celebrari semper illa prima die, etiamsi occurrat transferri aliud Officium ejusdem, vel superioris ritus? Responsum fuit negative, et serventur rubricæ generales, S. R. C. 14 Decemb. 1709, in *una ord. Capuc.* Rubricæ generales: Breviarii tit. x, de Translatione festorum. Vide n. 1196.

875. In Vigilis Omnium Sanctorum si occurrat diei Missam de festo semiduplici, post orationem Vigilæ, tertia oratio erit *A cunctis*, non vero de Spiritu sancto. Et in Officio, non obstante commemoratione Vigilæ, debent in Laudibus fieri Suffragia communia, S. R. C. 21 Jun. 1710 in *una Ord.*

*Capuc.*: Tertia oratio *A cunctis*. In Missa vero Vigilæ oratio erit de Spiritu sancto, *Rubr. Miss. prop.*

876. Quando altare fuit consecratum ad modum altaris fixi cum sacris sigillis, et unctionibus inter stipitem, et altare, si motus fuerit lapis superior, qui format mensam altaris, a suo stipite, tunc exsecratur altare. Si vero fuerit consecratum ad modum altaris portatilis, non exsecratur in quavis remotione, sed tantum, quando frangitur sepulcrum Reliquiarum, S. R. C. 21 Jun. 1710, in *una Ord. Capuc.*

877. De patrono, seu titulari ecclesiæ debet fieri Officium sub ritu duplici primæ classis cum octava a clero eidem ascripto, etiamsi ecclesia non fuerit consecrata, sed tantum benedicta, S. R. C. 21 Jun. 1710, in *una Capuc.*

878. Quando in Missa solemniter ministratur sacra Eucharistia clericis, vel laicis, reliqui de clero debent stare, S. R. C. 9 Maii 1711, in *Cataniens.*

879. In civitate et diocesi Pisarenensi die 31 Augusti occurrit festum Dedicacionis cathedralis sub ritu duplici primæ classis celebrandum, et eadem die ab Ecclesia universali fit Officium S. Raymundi Nonnati. Item in eadem civitate et diocesi die 24 Septembris occurrit festum sancti Terentii martyris patroni principalis civitatis, et diocesis sub ritu duplici primæ classis celebrandum, et eadem die ab universali Ecclesia fit Officium B. M. V. de Mercede sub ritu duplici minori. Supplicatur: Si supradicta festa altioris ritus venerint die Sabbati, an Officium S. Raymundi, et B. V. de Mercede vigore decreti S. R. C. emanati 14 Aug. 1684, et iterum 18 Octobr. 1696, in reformatione Calendarii Fratrum Minorum sint celebranda die Dominica sequenti tanquam die propria, vel debeant transferri in feriam proximam non impeditam. A S. R. C. fuit remissa hæc supplicatio ad D. Joannem Baptistam Gambarucci, S. D. N. et Sedis Apostolicæ sacerarum cæremoniarii magistrum, nimirum faciendum esse de Officiis, de quibus agitur sub diebus respective assignatis etiam in occurrere Dominica, S. R. C. 2 Jul. 1712, in *Pisarenensi*. Officium Beate M. Virginis de Mercede sub ritu duplici minori: nunc vero majori, ex concessione Benedicti Papæ XIII, 22 Martii 1727. Vide num. 1091, 1162 et 1196.

880. Omnibus fratribus et monialibus Ordinis Minorum S. Francisci indulgetur, atque conceditur, ut in recitatione Officii Desponsationis B. M. Virginis cum S. Josepho fiat ab ipsis commemoratio ejusdem S. Josephi tum in utroque Vesperis, tum in Laudibus; et respective etiam in Missa cum antiphonis, et oratione sub die 19 Mart. pro Ecclesia universali approbata, S. R. C. 1 Jul. 1715, in *una Ord. Min. Observ.* Commemoratio S. Josephi; ante omnes alias occurrentes, sive Domini sint, sive Deiparæ, *Rubr. prop. Brev.* Vide num. 978 et 1046.

881. In tertia lectione propria secundi Nocturni pro S. Pio Papa quinto, post illa verba: *Multi a Deo ejus intercessione patris miraculis addantur infra scripta, nempe: Quibus rite probatis a Clemente undecimo Pontifice Maximo sanctorum numero ascriptus est*, S. R. C. 1 Julii 1715, in decreto *Urbis et Orbis*, annuente Clemente XI, die 8 ejusdem mensis et anni in decreto, quod incipit: *Cum sacra Rituum congregatio*, tom. VIII Bull. Luxemburgi 1727, pag. 457.

882. Officium S. Josephi sponsi B. M. V. cum novis antiphonis, versibus, lectionibus primi nocturni, responsoriis, et capitulis, approbavit, et ab omnibus Christianis tam sæcularibus, quam regularibus, qui ad horas canonicas tenentur, die 19 Martii in festo S. Josephi in posterum recitari, et in Breviario apponi mandavit S. R. C. 3 Feb. 1714 *Urbis et Orbis*, annuente Clemente XI, sub die 4 ejusdem mensis et anni in decreto, quod incipit: *Ad confovendam*. Vide tom. VIII Bull. Rom. edit. Luxemburgi 1727, pag. 457.

883. Decretum de die 5 Augusti 1662, ab Alexandro VIII approbatum, de Missis defunctorum non celebrandis in festo duplici, sed dicendis de dicto festo cum applicatione sacrificii, a speciali Brevi, quod incipit: *Credite nobis*, iterum ab eodem fuit confirmatum, ac insuper statutum idem servari debere quoad Missas in altaribus privilegiatis ex obligatione celebrandas, et indulgentias per ejusmodi privilegia concessas animabus in purgatorio existentibus suffragari, perinde ac si celebrata fuissent Missæ defunctorum. Ac denique declaratum, Anniversaria, et Missas cantatas de *Requiem* relictas ex dispositione testatorum quotannis in die ipsorum obitus, etiam in duplici majori contingentia, in prædicto decreto die 5 Augusti 1662 edito, minime comprehendendi, prout antea, S. R. C. 15 Sept. 1714 *Urbis et Orbis*, annuente Clemente XI 29 ejusdem, et antea 22 Nov. 1664, in *Novariens.* Vide Bullar. Rom. edit. Luxemburgi 1727, pag. 457, in decreto, quod incipit: *Cum occasione Missalis* § *Prædictum*. Vide n. seqq., 19 et 75.

884. Clemens IX, S. R. C. decreta de die 5 Aug. 1662 et 22 Nov. 1664, alio brevi, cujus initium: *Cum sel. rec.* confirmavit, et Alexandri VII dispositionem de die 22 Januarii 1667, quoad Missas in altari privilegiato ex obligatione celebrandas, et indulgentias per hujusmodi privilegia concessas animabus purgatorii suffragari, perinde ac si celebrata fuissent Missæ de *Requiem*, extendit ad altaria non in perpetuum, sed ad septennium, seu aliud brevius, vel longius tempus, ac non in omnibus, sed aliquo, vel aliquibus tantum hebdomadæ diebus, nunc et in futurum quandoque privilegiata. Quod quidem confirmatum fuit a S. R. C. 15 Sept. 1714 *Urbis et Orbis*, annuente Clemente XI, 20 ejusdem in decreto XX, § *Deinde sel. rec.*, ut in num. anteced. Vide n. ant. et seq. necnon 75.

885. Declarationes Alex. VII, 22 Januarii 1667, et Clem. IV, 23 Sept. 1669, circa Missas defunctorum in altari pro animabus purgatorii privilegiato non celebrandas, licet loquatur tantum de festis duplicibus, tamen intelligendæ sunt etiam de diebus Dominicis, et infra Octavas Paschatis, Resurrectionis, Pentecostes, Corporis Christi, aliisque anni diebus, quibus, licet a festo duplici non impediatur, adhuc tamen Missæ defunctorum juxta ritum Ecclesiæ celebrari nequeunt, quatenus nimirum Missæ, quas iisdem diebus celebrare licitum est, servata cæteroquin privilegiorum forma, ad altaria privilegiata celebrarentur, S. R. C. 15 Sept. 1714, *Urbis et Orbis*, annuente Clemente XI, 29 ejusdem, in decreto XX, § *Tandem proposito*, ut in num. 882, et antea 5 Apr. 1688, Innocentio XI brevi, quod incipit: *Alias postquam*, 4 Maii 1688. Vide n. 75 et 474.

886. Decretum a S. R. C. anno 1680 editum, quo permittitur, posse in ecclesiis recitari Officia, et Missas celebrari de illis sanctis, quorum corpora, vel reliquiæ insignes in iisdem asservantur, intelligendum est de sanctis duntaxat in Martyrologio Romano descriptis, et dummodo constet de identitate corporis eorundem, vel insignis reliquiæ, secus vero de sanctis in eodem Martyrologio non descriptis, quorum tamen corporibus, et reliquiis ab Ordinariis locorum approbata debita fidelium veneratio exhibenda est, sed absque Officio, et Missa, sub penis de non satisfaciendo præcepto recitandi Officium, aliisque in constitutione S. Pii V contentis, S. R. C. 15 Sept. 1714, annuente Clemente XI, 29 ejusdem, *Urbis et Orbis*, et antea 11 Augusti 1691; approbante Innocentio XII, 19 Octobr. ejusdem in decreto XX, § *Decretum*, Bull. Rom. ut in num. 882. (Duntaxat in Martyrologio Romano descriptis; vel a Sede Apostolica concessis.) Vide n. 650.

887. Ad augendam fidelium venerationem erga augustissimum Eucharistiæ sacramentum, ejusque

cultum in toto terrarum orbe promovendum, prohibuit celebrari Missas votivas, vel pro defunctis infra octavam Corporis Christi, S. R. C. 15 Sept. 1714, *Urbis et Orbis*, annuente Clemente Papa XI, 19 ejusdem, et antea 21 Junii 1670, Clem. Papa X, eadem die approbante. Vide tom. VIII Bullar. Roman. Luxemburgi 1727, pag. 457: *Votivas*, vel pro defunctis; non comprehenduntur solennes pro re gravi, vel pro defunctis, corpore præsentem. Vide num. 479.

888. Cum festum S. Firminii episcopi Meldensis, et confessoris a clericis regularibus Societatis Jesu civitatis Oeniponti diocesis Brixiensis die tertia Novembris sub ritu duplici minori celebretur; cumque eadem die aliquando occurrat Commemoratio omnium fidelium defunctorum, propterea ex parte clericorum regularium prædictorum S. R. C. humillime supplicatum fuit declarari: An occurrente festo S. Firminii eadem die Commemorationis omnium fidelium defunctorum, possint ipsi, aut etiam debeant transferre festum S. Firminii ad aliam diem non impeditam currentis Octavæ; au vero non obstante Officio Commemorationis defunctorum sit faciendum Officium de S. Firminio, ac saltem Missa solennis dicti sancti celebrari possit? Et responsum fuit, transferendum esse Officium S. Firminii, eadem sac. Rit. cong. 1 Julii 1714 in *una Brixiens.* Vide num. 44. Hoc decretum est particulare; generale etenim habes sub num. 44.

889. Cum S. R. C. ne tam processus causarum beatificationum et canonizationum, quam alii, qui in causis controversis confici possunt, per manus notariorum variorum tribunalium dispersi vagarentur, usque ad annum 1625 eadem S. Cong. censuit, omnes causas penes ipsam controversas, ac imposterum controvertendas, ab eaque cognoscendas; illarumque acta omnino spectare ad notarium ipsius sac. Cong. private quoad omnes alios notarios quorumcumque tribunalium; et ita observari mandavit, non obstantibus quibuscunque, quæ causæ, processus, etc., quovis modo in ipsa S. Congregatione private quoad omnes, etiam sac. Palatii apostolici, et A. C. notarios sub penis arbitrii ipsius sac. Cong. infligendis cum ingerere sese audeant et præsumant, eadem S. R. C. 6 Julii 1715, Clem. XI approbante 15 ejusdem mensis et anni in decreto XXII tom. VIII Bullar. Rom., edit. Luxemburgi 1741, pag. 458. Modus agendi causas, et processus, necnon taxæ notariis statutæ, reperiuntur sub n. 501.

890. Si festum SS. Annuntiationis inciderit in feriam v majoris hebdomadæ, præceptum audiendi Missam, et abstinendi a servilibus non erit transferendum, sed omnino servandum in prædicta feria v prout in Cameriniensi, et pro ecclesiis aliarum Urbis mandatum fuit 20 Mar. 1660, adeoque per ordinarios locorum providendum, ut eo die pro in civitate degentium numero, plures Missæ private ante celebrationem Missæ conventuales, pro præcepti adimplemento celebrandæ non desint, sed tamen propterea antiquus mos communionis cleri in Missa solenni ejus diei, quo Ecclesia SS. Eucharistiæ sacramenti institutionem, et memoriam recolit, summa religione hactenus observatus, nullo modo omittatur, S. R. C. 12 Septemb. 1716, approbante Clemente VI, 27 ejusdem in ejus Bullario particulari par. III, decreto XXIV, quod incipit: *Cum festum SS. Annuntiationis*. Vide tom. VIII Bull. Rom. ut in num. præcedenti. Officium et Missa SS. Annuntiationis, quando transferri debeat. Vide num. 642.

891. In ecclesia S. Mariæ in Porticu, ubi asservatur brachium S. Marcelliani tantum (occurrentis die 18 Junii) faciendum est officium etiam de S. Marco sub ritu duplici minori de Comuni plurimorum, S. R. C. 7 Aug. 1717, in *una Urbis*: Fa-



ciendum est Officium etiam de S. Marco, quia non est patronus principalis praefatus D. Marcellianus, quod secus facere suadet decretum sub n. 25.

892. Licet capitulo collegiatae S. Joannis Baptistae Modoetiae coronam ferream uno ex clavis Domini Nostri Jesu Christi, ut pie creditur, in laminam, sive circum compacto exornatam, retinere intra crucem, in qua fuit reposita cum aliis reliquiis, et publicae venerationi exponere, etiam in altari majori, et processionaliter deferre, prout olim practicabatur, S. R. C. 7 Aug. 1717, in una Modoetiae, Clement. XI annuente 10 ejusdem mensis et anni in suo brevi, quod incipit: Cum Modoetiae, tom. VIII Bull. Rom. ut in num. 888, pag. 440.

895. Ex parte ecclesiae S. Jacobi Incurabili Urbis quaesitum fuit, an Officium Visitationis B. M. V. die 2 Julii, in qua festum Dedicationis ejusdem ecclesiae occurrit, celebrari possit die immediate sequenti, etiam si fuerit dies Dominica? Secundo quaesitum fuit ex parte ejusdem ecclesiae, an item die immediate sequenti diem 1 Aug., etiam Dominica, celebrandum sit Officium S. Petri ad Vincula, cum hac ipsa die occurrat Octava S. Jacobi? Et sacra Congreg. rescripsit, faciendum esse de Officiis, de quibus agitur in die immediate sequenti, etiam in occurso Dominicae, propter perpetuum impedimentum in propria die, juxta alterum decretum sac. Congreg. 2 Julii 1712, Eodem S. R. C. die 20 Nov. 1717, in una Urbis. Propter impedimentum: Officia enim perpetuo impedita assignanda sunt die prima sequenti non impedita, tanquam die propria, ut in decreto in hac sanctione citato, quod exstat sub n. 879, servando ordinem et ritum a rubrica Breviarium x signatum, de qua consule n. 1091, 1162 et 1196.

894. Confessario et capellanis tantum quarumcunque Monialium servitio addictis, licitum est Missas sanctorum, de quibus ipsae recitant Officium, celebrare, sed cum Missali Romano, et de communi, non vero Missas proprias eorumdem sanctorum variis ordinibus concessas, S. R. C. 20 Novemb. 1717, approbante Clem. XI die 1 Decemb. in decreto generali contento in ejus Bullario particulari par. III decreto XXVIII, quod incipit: Supplicationibus. Exstat tom. VIII Bullar. Rom., edit. Luxemburgi 1727, pag. 441: Confessario, et capellanis tantum; aliis quoque sacerdotibus, qui ex debito tenentur celebrare in ecclesiis earum Monialium. Vide num. 759.

895. In vigilia Epiphaniae Missae votivae et Defunctorum celebrari non possunt, S. R. C. 10 Dec. 1718 in Esina. Missae votivae, et defunctorum privatae. Vide n. 669 et 851.

896. Cum Tertiariae ordinis Capuccinorum Terrae Fani dioecesis Nonantulae, ob nondum constructam earum ecclesiam, Missam in una ex capellis parochiae audire soleant, cumque feria v majoris hebdomadae in eadem capella Missa solennis celebrari nequeat, propterea pro facultate, ut ultra Missam parochialem in altari majore decantandam alia privata in memorata capella, ad spirituales ipsarum consolationem celebrari possit, S. R. C. enixe supplicarunt et eadem S. Congreg. attentis circumstantiis, oratricibus gratiam petitam concedendam esse censuit, quibuscunque decretis in contrarium non obstantibus, S. R. C. die 11 Martii 1719, in una Nullius Nonantulae. Hoc decretum est particulare et gratuitum. Vide n. 522.

897. In Missa S. Anselmi archiepiscopi Cantuariensis, et Angliae primatis, quae incipit: In medio Ecclesiae, dicitur etiam Credo, S. R. C. 5 Febr. 1720, in una Urbis et Orbis ad instantiam serenissimi Jacobi III Magnae Britanniae, etc., regis, approbante Papa Clemente XI die 8 ejusdem mensis et anni decreto 29, quod incipit: Ad pias preces, tom. VIII Bull. Rom., edit. Luxemburgi 1727, pag. 441.

898. Cum in universo ordine S. Benedicti officium semiduplex ad libitum S. Canuti martyris die 19 Januarii ob occurrentiam alterius Officii S. Agathonis Papae, et confessoris recitari minime valeat, ut idem Officium die fixa in Ordine praedicto recitari possit, nempe die 20 Februarii, concedit S. R. C. 15 Martii 1721, in una ordinis S. Benedicti: Recitari possit: non immutata tamen lege sanctorum ad libitum. Vide n. 874 et 1215. Die 20 Februarii; sub qua respective elogium ejusdem sancti in Martyrologio monastico hodie ponitur. Vide num. 994 seq.

899. Abbatissa et monialibus monasterii S. Georgii ordinis S. Benedicti civitatis Patavinae, pro declaratione dubii circa modum celebrandi secundas Vesperas in festo S. Georgii titularis ipsarum ecclesiae, etiam parochialis, concurrentes cum primis Vesperis Dedicationis ecclesiae cathedralis, S. R. C. humillime supplicantes, sacra eadem Rit. congregatio secundas Vesperas de S. Georgio ex integro celebrandas esse cum commemoratione Dedicationis ecclesiae cathedralis declaravit, eadem S. R. C. 9 Aug. 1721, in una Monialium S. Benedicti civitatis Patavinae. Hoc decretum asservatur in archivio dicarum Monialium. S. Georgii titularis: festum est primae classis; Rub. Brev. duarum tabellarum, § Duplicia primae classis: Dedicationis ecclesiae cathedralis: secundae classis, et sine octava. Vide num. 571.

900. Cum in directorio divini Officii pro civitate et dioecesi Januensi impresso, sub praetextu decreti S. R. C. die 18 Octob. 1684, super assignatione diei pro Officiis sanctorum die propria impeditis, prima dies non impedita pro hujusmodi Officiis fixe fuerit assignata, cumque occasione similis impressionis multae exorta fuerint altercationes, propterea sac. Rit. congreg., instantibus ecclesiasticis civitatis Januensis, et praecipue, quia decretum praedictum suppositum est, et nunquam editum fuerit, in casu, de quo agitur, servandas esse rubricas declaravit, atque decrevit, S. R. C. 29 Novemb. 1721, in Januensi. Vide tamen ultimam legem sub n. 1196.

901. Officium proprium SS. Nominis Jesu ab omnibus Christi fidelibus, qui ad Horas canonicas tenentur, sub ritu duplici secundae classis Dominica secunda post Epiphaniam recitari, et Missam respective celebrari debere indulsit S. R. C. 29 Novemb. 1721, Innocentio XIII annuente 20 Decemb. ejusdem anni: Dominica secunda: an teneantur hodie fratres Min. S. Francisci, et quid dictum sit de sequentia in Missa, require num. 914 et 1012.

902. In Missa S. Isidori die 4 Aprilis de communi Doctorum dicitur Credo, S. R. C. 25 Aprilis 1712, in decreto Urbis et Orbis ad pias Serenissimi Philippo quinti regis catholici preces, et Ecclesiae Hispaniensis, annuente Innocentio Papa XIII die eodem et anno.

903. Ad preces archiepiscopi Januensis iterum porrectas super assignatione dierum fixorum Officiorum plurium sanctorum, quae ob occurrentiam aliorum Officiorum majoris ritus in praedicta civitate, et dioecesi propria die recitari nequeunt, S. R. C. quoad Officia tantum sanctorum Canuti regis et martyris diem 6 Februarii, et S. Wenceslai martyris diem 7 Octob. assignari; quoad reliqua Officia vero rubricas de Translatione festorum servandas esse mandavit, S. R. C. 22 Aug. 1722, in Januensi. Hoc decretum in praesenti affirmative se habet in Officiis, quae non sunt ad libitum, pro quibus dies proxime non impedita, propria censetur, negative autem in Officiis sanctorum ad libitum: Pro Officiis plurium sanctorum: de quibus Officiis solummodo potest Ordinarius assignare diem fixum extra octavas sanctorum, et extra Dominicam, cum hoc tamen quod impedita die assignata, eo anno omitenda sint. Vide n. 1091 et 1215.

904-914. Officium SS. Nominis Jesu die 14 Januariae Monialibus SS. Corporis Christi de Bononia, nec fratribus Minoribus aliarum religionum non licere amplius, sed Dominica secunda post Epiphaniam recitare, omnesque teneri sub poenis de non satisfaciendo Officio divino, aliisque in bulla S. Pii V contentis, novissimo decreto die 29 Novembris 1721, pro universali Ecclesia edito se conformare; S. R. C. 28 Novemb. 1722, in una Bononiensi: Fratribus Minoribus: observantes S. Francisci, eorumque ministro generali subjecti hodie possunt die 14 Januarii celebrare festum praedictum ex const. Benedicti Papae XIII, viva voce oraculo exhibita; non obstante decreto pro Ecclesia universali, Rubric. partic. Brev. Minor. S. Francisci num. 1. Vide num. 901.

915. D. Bartolomeo Calimani Piovano della Chiesa parrocchiale, collegiata, e matrice di S. Maria Zobenigo di Venezia, umilmente rappresenta all' Eminenze Vostre, come è stato concesso della Santa Sede alla serenissima republica di Venezia l'indulto di celebrare la Messa; e recitare l'Uffizio del Santissimo Redentore ogni anno nella terza Domenica di Luglio: e perchè in detta Domenica è sempre assegnato il giorno della dedizione della sua chiesa, essendo doppio di prima classe, e l'Uffizio suddetto doppio ordinario, supplica, e domanda all' Eminenze Vostre, se deve trasferire il suddetto Offizio del Redentore, in altro giorno non impedito? Et S. R. C. censuit, transferendum esse Officium sanctissimi Redemptoris, juxta rubricas, 27 Febr. 1725, in Venet. Doppio ordinario: Modo Officium SS. Redemptoris ad duplicem ritum secundae classis cum octava a Papa Clemente XII fuit elevatum per totum Venetiarum dominium sub die 6 Aprilis 1757. Vide num. 1275: Juxta rubricas; id est prima die non impedita festo duplici, vel semiduplici; Rubric. de Transl. Vide num. seq.

916. Sacra Rit. congregatio, instante eminentissimo et reverendissimo domino cardinali Barbado episcopo Patavino, censuit, in fine sextae lectionis pro Officio diei festi sanctissimi Redemptoris, sub die 26 Aug. proxime praeteriti, universo dominio serenissimae reipublicae Venetiarum concesso, addi, et imprimi posse verba infra scripta: Ut autem accepti beneficii recordatio, et cultus erga Salvatorem nostrum augetur in dies, Officium proprium, et Missam sub titulo sanctissimi Redemptoris, quae Innocentius XIII, Romanus Pontifex omnibus utriusque sexus Christianis Venetiis existentibus, qui ad horas canonicas tenentur, singulis annis, Dominica tertia Julii recurrente recitanda concessit, Benedictus XIII itidem Romanus Pontifex ad totum statum et dominium Venetum extendit: Si sanctissimo domino nostro visum fuerit; et Sanctitas Sua benigne annuit die 16 ejusdem mensis et anni; S. R. C. 9 Decemb. 1724, in Patavina. Hoc decretum servatur in archivio cathedralis Patavinae.

917. Benedictus XIII 28 Aprilis anni 1726, ritu solemniter consecravit sacrosanctam basilicam Lateranensem, ejusque celebritatis memoriam decrevit recolendam quolibet anno die 9 Novemb. et mandavit, ut idem festum tanquam Dedicationis cathedralis Ecclesiae almae Urbis ab universo ipsius clero saeculari tantum, et ejus districtu, juxta S. Rit. cong. decreta haec in re pluries edita, sub ritu duplici primae classis cum Octava quotannis celebraretur. Ita etiam S. R. C. 14 Sept. 1726, in decreto Urbis et Orbis, annuente eodem Benedicto XIII: Ab universo ipsius clero saeculari tantum: juxta sac. Rit. cong. decreta; id est sub ritu primae classis cum Octava a saecularibus; a Regularibus vero, et Monialibus sub ritu secundae classis sine octava. Vide n. 419.

918. Festum S. Benedicti, quod habet annexum forum incidens in aliquam diem majoris Hebdomadae, transfertur ad feriam tertiam post Dominicam in Albis tanquam diem proprium, translato quocunque alio Officio etiam aequalis ritus in eo occurrente, S. R. C. 6 Sept. 1727, in Fulda. Idem antea statuerat pro Monachis et Monialibus S. Benedicti. Benedictus XIII, 25 Januar. 1727.

919. Quando adest consuetudo in aliqua dioecesi celebrandi post festum Patroni principalis ecclesiae immediate annuam Dedicationem propriae ecclesiae in proxima Dominica: si tali Dominica incidit festum primae classis, tunc dicta annua Dedicatione debet transferri ulterius in aliam non impeditam, etiamsi non sit eodem mense, S. R. C. 6 Sept. 1721, in una Fulden: Incideret festum primae classis: ut sunt Nativitatis Domini, Epiphania, Pascha Resurrectionis, Ascensio Domini, Pentecostes, festum SS. apostolorum Petri et Pauli, Assumptio beatae Mariae, et festum Omnium Sanctorum. Item Dominicae majores, scilicet prima Adventus, prima Quadragesimae, Passionis, Palmarum, Paschae, in Albis, Pentecostes, et Trinitatis. Similiter feriae majores sequentes, quarta Cinerum, dies omnes Hebdomadae sanctae, Paschatis, et Pentecostes, nec non Vigilia ejusdem Pentecostes, et Nativitatis Domini; Rubric. brev. v, in Tabellis, et sac. Rit. cong. num. 610.

920-921. Canonicus episcopus titularis in Missis et Vesperis cantatis cum assistentia episcopi localis tenetur discedere a stallo una cura reliquis canonicis pro faciendis consuetis circulis praescriptis a Caeremoniali episcoporum, S. R. C. 10 Apr. 1728, in Asculan. Consuetis circulis: faciendis in Missis quae non sint defunctorum, nec feria vi in Parasceve coram proprio episcopo Missae assistente, non vero celebrantem, et non alio, licet legato de latere, metropolitano, vel suffraganeo, etc., qui tamen circuli, praesente praelato superiore, ob ejus reverentiam omittuntur. Igitur circulus primus fit, cum episcopus stans in sua sede legit Introitum, et dicit Kyrie eleison, etc., et successive Gloria in excelsis, etc., hoc modo semper: canonici opportuno tempore discedentes ab eorum sedilibus, procedunt ad medium chori, factis altari et episcopo reverentis, et se sistunt in circulum ante episcopi faciem, quod diversimode fit pro diversitate situationis altaris et sedis episcopalis. Si enim altare adhareat parieti, et sedes episcopalis sit in latere evangelii, incipient procedere juniores a sedili diaconorum, ita ut ultimus canonicus consistat ante faciem episcopi, quos gradatim alii sequuntur perficiendo circulum, et dignior canonicus, sive dignitas modice a suo sedili digressus, stat ad dextram episcopi. Si vero altare erit sub tribuna, et sedes episcopalis ex opposito altari, tunc canonici venientes ad circulum procedunt simul ab utraque parte non perficientes circulum, ne terga vertant altari, sed facientes hinc inde semicirculum, et sic stantes dicunt Kyrie et Gloria cum episcopo. Quo finito, producente super eos episcopo signum crucis, quod semper in fine circuli observatur, facta illi, et altari reverentia, procedunt ad loca sua. Secundus, dum dicitur Credo, in quo simul cum episcopo genuflectunt ad Incarnatus, etc. Et si forte cum redeunt ad loca sua idem articulus cantetur a choro, ubicunque erunt pariter genuflectunt in via. Tertius ante finem Praefationis pro Sanctus, etc., non tamen pectus percutientes. Quartus et ultimus ante Agnus Dei, et tunc, dum veniunt ad circulum, et dum discedunt ambobus genibus versus altare genuflectunt propter reverentiam SS. Sacramenti, quod est super eo. Canonici a circulis revertentes ad sedes suas, faciunt contrario modo quam faciunt veniendo: quia primo revertuntur seniores, deinde juniores. Caerem. episc. l. i, c. 21, n. 5 seqq. Vide n. 244.

922-925. Decretum jam concessum Patribus Trinitariis die 12 Julii 1727, celebrandi Dominica secundae classis, quod semper in fine circuli observatur, facta illi, et altari reverentia, procedunt ad loca sua. Secundus, dum dicitur Credo, in quo simul cum episcopo genuflectunt ad Incarnatus, etc. Et si forte cum redeunt ad loca sua idem articulus cantetur a choro, ubicunque erunt pariter genuflectunt in via. Tertius ante finem Praefationis pro Sanctus, etc., non tamen pectus percutientes. Quartus et ultimus ante Agnus Dei, et tunc, dum veniunt ad circulum, et dum discedunt ambobus genibus versus altare genuflectunt propter reverentiam SS. Sacramenti, quod est super eo. Canonici a circulis revertentes ad sedes suas, faciunt contrario modo quam faciunt veniendo: quia primo revertuntur seniores, deinde juniores. Caerem. episc. l. i, c. 21, n. 5 seqq. Vide n. 244.



cunda Octobris Officium beatæ Mariæ Virginis sub titulo de Remedio, ad tollendas rixas et contentiones inter hos, et Patres beatæ Mariæ de Mercede, accedentibus etiam particularibus instantiis Patris generalis ordinis Prædicatorum, et Patris generalis Carmelitarum, revocandum esse statuit, S. R. C. die 21 Januar. 1750, annuente Benedicto XIII, die 29 Julii 1750, const. quæ incipit: Emanavit.

926. Canonici et beneficiati, dum occasione benedictionis augustissimi Sacramenti singulis Dominicis post Completorium cantatur hymnus, *Pange, lingua*, non tenentur descendere a choro, sed flexis genibus canere ante Venerabile, et remanere possunt in eorum stallis choralibus, S. R. C. 26 August. 1750, in *Avenionen*. Adest in ecclesia metropolitana Avenionensi onus ex testamento exponendi SS. Sacramentum omnibus Dominicis, cum hoc, ut canonici et beneficiati descendant a choro, et genuflexi ante Eucharistiam cantent hymnum *Pange, lingua*. Cum vero anno 1605, Egidius Berton testator reliquisset hanc suam voluntatem, chorus positus erat a latere altaris, et non nisi per aliquos gradus descendebatur in planum; nunc autem scilicet anno 1750, in quo hujus decreti emanatio orta est, chorus est in eodem plano post altare majus, ideo S. R. C. optime statuit (licet hæredibus reclamantibus) ut canonici, etc., non descendant, quia revera sunt ante SS. Sacramentum genuflexi.

927. Consuevit clerus ordinis Hierosolymitani hactenus celebrare sub ritu duplici majori festum S. Sebastiani martyris, Patroni minus principalis prædicti ordinis, et titularis capellæ linguæ Alvernæ, erectæ in ecclesia majori S. Joannis Baptistæ ejusdem ordinis, translato in primam diem non impeditam festo S. Fabiani Papæ et martyris sub ritu semiduplici: et quia, ut asseritur, emanatum fuit decretum ab hac sac. Rit. congregatione usque de die 22 Novembr. 1698, quo declaratum est, quod festum S. Fabiani non transferatur sed celebretur una cum S. Sebastiano, ideo humiliter postulavit, ut possit solitum servare, non obstante dicto decreto, aliisque rationibus: et resolutum fuit, quod servari debeat decretum emanatum die 22 Novembr. 1698. Ita, S. R. C. 16 Septemb. 1750, in una ordinis Hierosolymitani, seu Meliten. Decretum enuntiatum habet sub n. 716, quid statuatur, cum S. Sebastianus sit Patronus titularis. Vide n. 25.

928. Consuevit dictus clerus Ordinis Hierosolymitani transferre in solam sequentem diem, dummodo non impeditam, festum S. Laurentii Justiniani assignatum pro Ecclesia universali die quinta Septembris sub ritu semiduplici ad libitum, quia eo die celebretur Officium de die octava Decollationis S. Jo. Baptistæ: unde pariter petit, ut possit imposterum solitum servare, quibuscunque non obstantibus: et responsum fuit juxta mentem, quæ est, quod supplicet pro assignatione diei fixæ, S. R. C. 16 Sept. 1750, in una ordinis Hierosolymitani, seu Meliten. Supplicet pro assignatione diei fixæ: hodie vero conceditur ordinario loci facultas modo exhibitæ sub n. 1215.

929. Exponit dictus clerus sacri ordinis, etc., qualiter de anno 1659, fuerit facta quædam fundatio ab eminentissimo fel. mem. Magistro Martino Redin. pro decantandis in pontificali primis Vesperis et Missa votivis de S. Francisco Xaverio, assignato pro adimplemento suæ dispositionis die 10 Decembris cujuslibet anni, ne impeditur, et creditur, festum ejusdem sancti quod magna cum pompa et populi concursu celebratur die 5 ejusdem mensis in ecclesia PP. Societatis Jesu civitatis Valetæ, unde ad tenorem dictæ piæ dispositionis consuevit dictus clerus usque adhuc post solum pensum Officii currentis, decantare primas Vesperas, et Missam, in quibus intervenit Magnus Magister, et venerandum consilium: ideo-

que interpellat, ut possit solitum servare, quibuscunque non obstantibus, quoad Vesperas. Et sac. Rit. C. ad relationem eminentissimi et reverendissimi D. card. Zondadari rescribendum censuit negative, et transferatur festum S. Francisci Xaverii in perpetuum ad diem decimam Decembris. Ita prædicta sac. Rit. congr. 16 Septembris 1750, in una ordinis Hierosolymitani, seu Meliten.

950. Submisit instat dictus clerus sacri ordinis Hierosolymitani pro extensione Officii Dedicationis cum octava prænominatæ ecclesiæ majoris, non solum ad clerum servitio ejusdem ecclesiæ additum; et ad Equites, qui tenentur ad Horas canonicas ratione alicujus beneficii, sed etiam ad omnes alios religiosos utriusque sexus supradicti ordinis ubique locorum existentes, etiam extra Melitam, non obstante decreto hujus sac. Rit. congr. emanato die 12 Julii 1741, et sac. Rit. congr. respondit negative quoad extensionem ubique locorum, die 16 Sept. 1750, in una ordinis Hierosolymitani, seu Meliten. Decretum die 12 Julii 1741, editum, non inveni in autographis, sed aliud simile in Auximana 16 Maii 1744. Vide n. 1174.

951. Dictus clerus, etc., petit declarari, an restum SS. Angelorum et Archangelorum debeat habere utrasque Vesperas integras in concursu alterius duplicis minoris, ad tenorem novi decreti emanati, ut asseritur, die 14 Maii 1707. Et responsum fuit, servandum esse decretum, sac. Rit. congr. 16 Sept. 1750, in una ordinis Hierosolymitani, etc.: Ad tenorem decreti: quod stat pro parte affirmativa. Vide n. 845.

952. Similiter dictus clerus sacri ordinis Hierosolymitani supplicat declarari, an sub nomine sanctorum ad libitum comprehendantur Officia duplicia et semiduplicia sanctorum, recitari concessa aliquibus regnis, provinciis, civitatibus, et alicui particulari ordini, absque expressa notula ad libitum, sed tantum cum sequenti clausula, nimirum, *recitari possint, et valeant, vel recitari posse censuit?* Asseritur enim emanatam fuisse quendam declarationem ab hac sac. Congr. tenoris sequentis, videlicet: *Ex voto sac. Rit. congregat.* (ut constat ex responso illustrissimi archiepiscopi Apamæni ejusdem sacre congregationis secretarii) *sub nomine sanctorum ad libitum non comprehenduntur Officia duplicia sanctorum aliquibus regnis et provinciis recitari concessa; ideoque occurrentia in Dominicis non debent omitti, uti etiam si cadant in diebus impeditis, juxta rubricas transferantur.* Et sac. Rit. congr. dubio proposito respondit negative die 16 Septemb. 1750, in una ordinis Hierosolymitani, seu Meliten. Non debent omitti prædicta Officia postquam acceptata sint. Vide n. 572 et 1059.

953. Dictus clerus sacri ordinis Hierosolymitani petit declarari, an in Vigilia Epiphaniæ Domini possint celebrari Missæ privatae de *Requiem*, et votivæ? Et sac. Rit. congr. respondit negative 16 Sept. 1750, in una Meliten. Vide n. 669.

954. Capellani ecclesiæ cathedralis de massa nuncupati, episcopum Missam aliaque divina Officia pontificaliter celebraturum, ex aula episcopali ad ecclesiam, et ab ea ad aulam, ubi adest antiquum solitum, comitari tenentur, sac. Rit. C. 5 Martii 1751, in *Januen*. Vide n. seqq.

955. Capellani de massa nuncupati non tenentur episcopo pontificaliter celebrato deferre sacra paramenta ad cathedram episcopalem, nisi deficientibus acolythis; actualiter vero celebranti debent tenere librum et bagiam, S. R. C. 5 Mar. 1751, in *Januen*. Tenere librum: dum private celebrat, vel solemniter aliquid legit; non autem cum cantat, quia hoc munus est presbyteri assistentis. *Cærem. episcop. lib. 1, cap. 11, num. 5.* Vide num. seqq. et 340.

956. Capellani, ubi adest antiquum solitum, in aula episcopali, quando episcopum excipiunt tam

in recessu, quam in regressu, tenentur eidem episcopo genuflectere, S. R. C. 5 Mart. 1751, in *Januen*. Tenentur eidem episcopo genuflectere, an cum semigenuflexione. Vide n. 1228.

957. Associatio a capellanis juxta antiquum solitum debetur episcopo, quando ipse cappa indutus descendit ad ecclesiam pro præstanda assistentia, S. R. C. 5 Mar. 1751, in *Januen*. Associatio a capellanis: una cum canonicis et dignitatibus: *Cærem. episcop. lib. 1, cap. 17.* Vide num. ant. 99 et 955 sequent.

958. Directio chori private spectat ad primicerium, quatenus intersit choro, S. R. C. 24 Novemb. 1751, in *Baren*. Ad primicerium; eoque impedito ad quos spectat. Vide n. seq.

959. Non possunt primicerii, eisdem, vel eorum altero absentibus, subrogare eorum loco simplicem presbyterum; sed eorum vices supplere debent canonici, eosque coadjuvare in canendis antiphonis, sac. Rit. cong. 24 Novemb. 1751, in *Baren*. Vide n. ant.

940. Primicerii, quando sunt secundæ dignitates, debent assistere episcopo in ecclesia collegiata diocesis pontificaliter celebranti, S. R. C. 24 Novemb. 1751, in *Baren*. Debent assistere, in diaconali munere, ubi præbendæ et ordines non sunt distincti, secus autem, ubi sunt distincti ordines diaconales, quia tunc ad præbendatos spectabit. *Cærem. episc. lib. 1, cap. 26, n. seqq.* Vide n. 4, 1205.

941. Primicerii, seu secundæ dignitates non debent assistere in Officio diaconi, vel subdiaconi archipresbytero primæ dignitatis functiones solemniter peragenti, S. R. C. 24 Nov. 1751, in *Baren*.

942. Aliqui ex dignitatibus, seu primicerii, et canonici abesse possunt a choro audiendi causa monialium, seu sæcularium confessiones, et dirigendi confraternitates, vel ex alia causa, pro diebus, quibus tenentur interesse choro, S. R. C. 24 Nov. 1751, in *Baren*.

943. Ad secundas dignitates, non vero ad canonicos, spectat peragere functiones solemnes, prima dignitate impedita, vel celebrare nolente, S. R. C. 24 Nov. 1751, in *Baren*. Functiones solemnes; adnotantur in n. 118.

944. Functiones solemniores dignitatibus, seu primiceriis peragentibus, tenentur canonici illis assistere in munere diaconi vel subdiaconi, S. R. C. 24 Nov. 1751, in *Baren*. Tenentur canonici; nullo modo dignitates. Vide n. 50 et 727.

945. Abbatibus pontificaliter indutis, uti coabsolventibus, debetur præcedentia super canonicos cathedralis in processionibus funerum, S. R. C. 24 Nov. 1751, in *Ragusina*. In processionibus funerum; in aliis vero Officiis neque supra, neque inter cathedralis canonicos, habent locum, sed concedentem pro judicio et prudentia episcopi, *Cærem. episc. lib. 1, c. 15, n. 9.* Vide n. seq. Dignitates et canonicos sacerdotes coabsolventes admittit sacra congr. Vide n. 865.

946. Abbates pontificalibus induti invitati pro assistentia in solemnibus Vesperis, processione et Missa, debent sedere in loco decenti separatim a canonicis in choro post episcopos, S. R. C. 24 Nov. 1751, in *Ragusina*. Post episcopos; an supra canonicos? Vide n. ant.

947. Abbatibus pontificaliter inductis et genuflectentibus in actu receptionis et restitutionis sac. reliquiarum, quæ per eosdem in processione deferuntur, debet permitti usus ejusdem pulvini, qui in eodem actu utantur tam archiepiscopus, quam episcopi suffraganei, S. R. C. 24 Nov. 1751, in *Ragusina*. Reliquiarum, SS. crucis, vel sacre spinæ, et similitum Domini nostri Jesu Christi. Vide n. 255 et 1121: Pulvini, regulariter coloris paramentorum currentis. *Cærem. episc. lib. 1, c. 4, n. 1.* Vide n. 1266.

948. Abbates pontificaliter induti in processioni-

bus secum ducere possunt duos tantum clericos, seu monachos cotta indutos in utroque latere assistentes pro servitio, et usu mitræ, et baculi pastoralis, S. R. C. 24 Nov. 1751, in *Ragusina*.

949. Licitum est capitulo eligere pro functionibus canonicalibus, et ejus servitio magistrum cæremoniarum distinctum ab altero episcopi, S. R. C. 7 Julii 1754, in *Aquilana*. Distinctum ab altero episcopi, qui saltem in sacro ordine sit constitutus. *Cærem. episc. lib. 1, cap. 5, n. 5.* Vide n. seq. et 955 seq.

950. Magister cæremoniarum non potest summunus exercere absque approbatione episcopi, S. R. C. 7 Julii 1754, in *Aquilana*. Vide n. seq. et ant.

951. Magister cæremoniarum in functionibus tantum episcopalis uti valet veste violacea ex dispositione Cæremonialis, S. R. C. 7 Jul. 1754, in *Aquilana*: Veste violacea ex dispositione Cæremonialis; de qua vide n. 160 et 955.

952. Dignitates et canonici in eorum Missis privatis celebrandis, tam intra, quam extra cathedrallem, ultra unum inservientem, qui Missæ respondeat, uti non possunt magistro cæremoniarum, cum, vel sine veste violacea, vel alio ministro sacerdote, tam pro delatione calicis ad altare, et illius deportatione ad sacristiam, quam pro sustinendo Missali, indicando orationes, operiendo, et porrigendo patenam cum hostia, calicemque postea cum velo instruendo, et cæteris actibus Missæ inserviendi ad instar episcoporum, sed debent celebrare, ut quilibet alius simplex sacerdos, omnes relatos ritos a seipso explendo absque ope ministri, S. R. C. 7 Jul. 1754, in *Aquilana*: Ut quilibet alius simplex sacerdos; cum paramentis vero præ cæteris solemnibus loco separato dispositis. Vide n. 851.

953. Dignitates et canonici tenentur capitulariter in habitu canonicali recipere episcopum a suo cubiculo, et associare ad ecclesiam cathedrallem, similique modo ad idem reducere, quando iste vult pontificaliter celebrare, tam in solemnioribus a Pontificali Romano præscriptis, quam in aliis festis ex consuetudine vel devotione in civitate introductis, vel occasione universalis Jubilei, vel alia rationabili causa episcopo bene visa, S. R. C. 7 Julii 1754, in *Aquilana*: Recipere episcopum, suum proprium intellige, et etiam administratorem, sede vacante, vel suffraganeum, quando nomine episcopi pontificalia exerceat. Vide n. 52, 709 seqq., 913 et 957. An teneantur quoque episcopo accedente cum cappa? Vide n. seq.

954. Quando episcopus ad ecclesiam cathedrallem accedit cum cappa, ut assistat Missæ cantatæ, Vesperis, vel processioni, vel ut concionem audiatur, vel alia de causa, dignitates, et canonici tenentur capitulariter in habitu canonicali ipsum recipere a suo cubiculo, et associare ad eandem, et similiter ad idem reducere juxta Cæremoniale episcoporum, S. R. C. 7 Julii 1754, in *Aquilana*: Juxta cæremoniale episcoporum, scilicet, *Præbunt familiares episcopi, et si aderit magistratus, aut alii nobiles, et illustres viri, immediate ante episcopum, tum ipse episcopus, et post eum sequentur canonici bini, juxta antiquam et canonicam disciplinam. Quod si fuerit archiepiscopus, aut alius utens cruce, ipsa crux immediate ante archiepiscopum per aliquem capellanum deferretur, imagine Crucifixi ad archiepiscopum conversa, inter quam et archiepiscopum nullus omnino incedit. Eo ordine procedant usque ad portam primariam. Cæremonial. episcop. l. 1, cap. 15, n. 5.* Vide n. antec.

955. Licitum est capitulo eligere magistrum cæremoniarum ab episcopo confirmandum, S. R. C. 17 Jul. 1754, in *Monopolitana*. Vide n. 160 et 949 seq. Magistrum cæremoniarum; secundum, non vero primum, prout in *Cærem. episcoporum lib. 1, c. 5, et in brevi Clem. P. XI, die 6 Jun. 1708.* Vide n. ant. 160, et 949 seq.